

sanjvwzn

Hamj Gvaq Giemxdou 50 Bi

跨过 50 岁门槛

□ Muogz Niogz/蒙宁

50 bi, couh lumj aen giemxdou vang youq gwnz diuzloh seiqvunz raeuz, yamq haeujbae, neix gangj-naeuz dwg caeuq cungnienz ciengx-lwenx gangj caiqraen lo! Mbouj rox mbouj nyinh, gyoengq lan swheij cungj heuhguh daxgoeng, byaemhau hix laeglemx benz hwnj gwnz dingjyaeuj. Hoeng, gou cix roxnyinh cih saw “bouxgeq” caeuq swheij lij caengz doxnem geijlai, aenvih ndit banhaemh ca swheij lij yienghhaenx gyaeraez. Ndawsim mboujcaengz miz dajsuenq, engq mbouj cingznyienh bae ciepsouh ciuhvunz cungj vangok neix. Mboujlwnh gou ciepsou hix ndei, mbouj ciepsouh hix bah, giemxdou 50 bi gaenq vang youq baihnaj gou. Neix couh dwg swyenz gvild, moix boux vunz cungj mboujmiz saekdi banhfap ndoj ndaej gvaq, cijmiz giengienz dwk hamj gvaqbae, caenndang daejniemh “laux” dwg gijmaz feihdauh cij suenq dwg diuzroen ciuhvunz aeu byaij haenx bw.

Ngamqngamq hamj gvaq giemxdou 50 bi, nyeux gyaеuj muenghyawj gij ndwenngoенz menhmenh gvaqbae haenx. Yawj gwnz dingjbya swheij gaenq benz gvaq, vaij gvaq doengh diuz dah haenx, gyoengqde cingq cugciemh liz bae gyaе lo. Cij lw cungj feihdauh baenz ciuhvunz cimz mbouj gaeuq, lij ce youq ndaw simdaeuz he. Ndawde miz haemz, miz manh, hix miz soemj, engqlai dwg van.

50 bi daеuj, gou gaenq vih ra ndaej aen boiq ciuhvunz baenzgoeng angqvauvau. Caenhuеnj doiq boux caencingq guh ndaej baenzgoeng yawj daеuj, neix cijdwg bingzdamh mbouj dij ndaej yawj, mboujmiz yienghlawz deuqnyex. Hoeng, doiq gou daеuj gangj, cix aeu de dangguh gij muzbyauh ciuhvunz, yienh’ ok gij

gyaciz swheij.

50 bi, gou ginglig gvaq aicingz. Seiz doxndiep, dou gijmaz cungj mboujmiz, mboujmiz saekdi ienqhoij, riuhaha buet coh baihnaj. Dangyienz, youq gwnz loh byaij bae baihnaj, ciengzseiz bungz daengz rumz fwn, mboujgvaq, moix baez rumz fwn gvaqbae le, cungj yawjraen sai duzdoengz. Gaem fwngz byaij gvaq geij cib bi, hag roegenq gamz namh, guh baenz aenrongz raeujrug, youh ciengx miz daeg lwg gvai ndeu, caenndang bae cimhyawj gij seizgan vuenyungz gyaеundei ciuhvunz, yiengjsouh aen ranz daiq daеuj hawj vunz simsoeng vaiqvued haenx.

Hamj gvaq giemxdou 50 bi, diuzloh dangguen caeuq goengmingz leihloeg cungj yaek liz gou gyaе bae

lo, cuengqroengz gij nyapnyuk ndawsim, gveng gij aencingz ienqhoij ndaw saedceij, caiq hix mboujmiz dahoengz hozhaenz, dawz sojmiz nyapnyuk cungj gveng bae seuqcingh. Vuenh lingh cungj fapmoq lix roengzbae, cimz gij feihdauh moq seiqvunz buenq ciuh laeng.

Hamj gvaq giemxdou 50 bi, ciuhvunz lai saek lai yiengh ngamqngamq byaij sat dingz ndeu, dangq youq gwnz diuzloh ciuhvunz bae youzcet, youh vuenh baez ci ndeu. Gou siengj hawj diuzloh bae youzcet iet roengzbae, hawj vaiqvued cungj sij youq gwnz bwnda najbyak, buenx aencung riunyumnyum byaij gvaq moix faen cung, doh gvaq moix miux cung. Gou lij siengj hawj baenz geu baenz geu mok saekcaij, vih gou guhbaenz aen bi’ neng ndeu, ciengx-lwenx bi’ nengneng, bibuengq youq henz mbwn venj rim souhaеuj, caenhcingz laebdaeb bae sij bingz-ciengz, itcig ciengxlwenx byaij bae coh gizgyae!



Boux nungzminz ndeu daj ndaw raemxrongz gouq yah de hwnjdaеuj, hoeng lwg de deng mbaet dai lo.

Gvaqlaeng, gyoengqvunz gangj-nyaengnyaeng. Miz vunz naеuz de guh deng, aenvih lwg ndaej caiq aeu,

hoeng yah mbouj naengz dai liux dauq lix. Miz vunz naеuz de guh loeng lo, aenvih yah ndaej aeu moq, hoeng lwg dai liux couh mbouj ndaej dauq lix.

Gou dingqnyi gyoengqvunz gangj, hix gamjdaengz ngeizvaeg: Dangh-

gojsaeh iq

Senj

抉择

□ Leiz Manjdangz

naeuz ngamq ndaej gouq boux vunz ndeu, dauqdaеj wnggai gouq yah roxnaeuz lwg?

Baenzneix gou couh bae cimh boux nungzminz neix, cam de seizhaenx de baenzlawz siengj.

Da dap naеuz: “Gou gijmaz hix mbouj siengj. Raemxrongz daеuj mwhde, yah youq henz ndang gou, gou rag dawz de couh youz bae coh henz bo. Daengz gou dauqma seiz, lwg

gou gaenq deng raemxrongz cung bae lo.”

Youq gwnz roen dauqma, gou naemjngeix gawq vah bouxnungzminz, doiq swheij naеuz: Danghnaеuz seizhaenx boux nungzminz neix miz di naemnaiq, gojnwngz bouxlawz hix gouq mbouj ndaej; seiqvunz aeu senj yaek baenzlawz guh, mbouj siuj vunz couhdwg yienghneix naemj yiengh-neix bae hengz!

Youq romcomz gij rengz guh Mouhungz Meizgvang hwnjbae doengzseiz, swcigih lij guhgvangq le Hozsanh、Dunghloz、Yougyangh daengj diegmeiz geq, caemhcaiq fuzrex fazcanj gij meizgvangq iq digih、si、yienh、se haenx dem. Daengz bi 1975, daengx gih nyuenzmeiz canjlieng dabdaengz 605 fanh dunh. Meizdanq gunghyez ndaej fazcanj, mboujdanh baujcingq le gangdiet yungh meiz, caemhcaiq coicaenh fazcanj le vafeiz gunghyez caeuq suiijniz gunghyez dem.

Dang gangdiet gunghyez Guengj-sae miz itdingh goekdaеj le, ciuq gij iugouz “bi 1980 nungzyez gihbwnj saedyienh gihgaiva” cunghyangh daezok haenx, Veiz Gozcingh youh dawz gaem nungzyez gihgaiva dangguh hangh yinvu ndeu daez okdaеuj. Bi 1972 ndwen 1, de youq aenhoih Swcigih Gwzveijvei Daihroek Baez

Cienzhohi Gozdavei gwnzde naеuz: “Gvaqlaeng, aenvih gunghnungzyez ndaej vaiqriengj fazcanj, nungzyez doiq gihgaiva iugouz couh engqgya gaenj lo. Nungzyez gihgaiva dangh-naeuz riengz mbouj ndaej hwnjbae, vunzhong youh caeu mbouj ndaej okdaеuj, gunghyez aeu yungh vunzhong couh muenxcuk mbouj ndaej. Ndigah, raeuz itdingh aeu gaem ndei hangh hong neix.”

Veiz Gozcingh daj gij saehsaed Guengjsae caeuq gij lohbyaij mbangj

guekgya nungzyez fazcanj yamqdin haenx ndaej rox, nungzyez gihgaiva dwg aen fuengyiengq fazcanj nungzyez he. Youq bi 1958, de caeuq Vaznanz Dieggapguh doxyaeng hanghmoeg seiz, couh ciuq leix haenqrengz ceng’ aeu, youq Guengjsae hwnjguh Liujcouh Dohlahgihcangj. Bi 1959, mwhde youq Vujhan hai hoih, de daegdaengq cingj boux gunghcwngz-swh Luz Daz daj gunghyinz guh hwnj haenx daengz Vujhan Dungzhuz Binhgvanj, heuh Luz Daz bang

Guengjsae sawq cauh dohlahgih, caemhcaiq hawj de daiz yienghbonj Yinghgoz cauh ndeu guh canhgauj. Bi daihngeih, Guengjsae couh miz le gij dohlahgih bonjfaenh gag sawq cauh baenzgoeng haenx. Doeclaeng, de youh ra gij goengdaeuz nungzgihbu, iugouz hawj Guengjsae hwnj di hanghmoeg dohlahgih siujhingz he, doeclaeng ndaej youq Namzningz、Yilinz laebhwnj le Soujfuz Dohlahgihcangj.

(caengz sat)

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□ Hoz Saubangj sij Cinz Siengzcouh Liuz Gingliuj Cinz Siengzgen hoiz